

欽定戶部漕運全書

欽定戶部漕運全書卷二十二目錄

督運職掌

分省漕司

升三運總

分省漕司

一山東糧道一員

兼管德州倉糧務

一河南糧道一員

兼管臨德二倉糧務

康熙二十二年河

南全省漕糧改折糧道裁缺二十九年復設

以開歸鹽驛道兼理

一江安糧道一員

兼管江寧淮安徐州鳳陽四倉糧務

一蘇松糧道一員

一浙江糧道一員

一江西糧道一員

兼南撫建巡道事

一湖北糧道一員

一湖南糧道一員

一各省糧道總理通省糧儲統轄有司軍衛遴
委領運隨幫各官責令各府清軍官會同運弁
僉選殷實旗丁成造新船修葺舊艘預給工料
嚴督丁匠及時修造完工備運督催州縣開徵
漕白二糧并隨漕輕齋席木行月廩工耗贈經
費等項錢糧按期徵收解給革除火耗毋許額
外私加察驗米色嚴禁倉棍把持蠹役包攬

和糠粃等弊並鈐束官丁在次不得折乾及需
索私貼苛勒耗贈兌竣之日依限開行並督追
漕欠諸務俱其專責一切漕運錢糧盡歸糧道
專管各司道府不得分管混淆糧道專司漕務
該督撫不得別行委用致悞職守

議單
舊本

舊制通漕設漕儲道一員總轄各省漕務設糧
道一員分理各省漕務順治十年裁去漕儲道
江南江北浙江江西每處添設糧道一員順治
十五年將新添糧道四員裁去復設漕儲道康

熙四年又將漕儲道裁撤各省漕務專責糧道

管理

十三運總

舊制通漕設把總十三員統攝軍衛償護漕船督押回空名爲運總明季皆屬世職順治三年各衛改設守備千百總把總職銜尚小不便約束提調改運總爲都司僉書嗣於順治十二年裁汰謹將原派十三總所轄衛所幫次及節年更定衛幫詳細開載於後以備查考

一山東總

臨清衛山東前幫

雍正四年分爲山東前幫後幫

東昌衛

今仍舊

濟寧衛前幫

濟寧衛後幫

以上濟寧前後二幫雍正四年分爲前後

左右四幫

東平所

濮州所

德州衛

以上一衛二所仍舊運山東糧

臨清衛河南前幫

臨清衛河南後幫

平山衛前幫

康熙二十五年改併東昌衛管轄

平山衛後幫

康熙二十五年改併東昌衛管轄

任城衛

康熙二十五年改併濟寧衛管轄

德州左衛

康熙二十五年裁併德州衛管轄

天津等三幫

康熙二十五年改天津所

通州左等四幫

康熙二十五年改通州所

以上八衛所運河南糧

一 遮洋總

揚州衛遮洋幫

高郵衛遮洋前後二幫

淮安衛遮洋幫

係附載幫乾隆二十七年歸併頭二兩幫

大河衛遮洋幫

通州所遮洋幫

鹽城所遮洋幫

以上各遮洋幫原運山東糧於康熙十八

年撤回本省歸入各本幫款下

長淮衛遮洋幫康熙二十五年改長淮衛二幫運河南糧乾隆三十年裁

一上元總

上元中衛江寧幫原改江淮衛九幫續改江淮衛六幫

上元前衛大幫原改江淮衛十幫續改併江淮衛七幫

上元後衛大幫原改江淮衛十二幫續改併江淮衛八幫

上元後衛二幫原改興武衛十幫續改併興武衛七幫

上元後衛三幫原改江淮衛十三幫續改併江淮衛五幫

江寧前衛後幫原改興武衛十五幫續改併興武衛七幫

江寧後衛上元幫

原改興武衛十六幫
續改併興武衛九幫

鎮南衛上元幫

原改江淮衛十四幫
續改併江淮衛九幫

鎮南衛句容幫

原改江淮衛十五幫
續改併江淮衛九幫

江陰衛大幫

原改江淮衛七幫
續改併江淮衛五幫

江陰後小幫

原改江淮衛八幫
續改併江淮衛三幫

廣洋衛前幫

改興武衛三幫

廣洋衛後幫

原改興武衛四幫
續改併興武衛三幫

江寧右衛大幫

原改興武衛十二幫
續改併興武衛八幫

江寧右衛後幫

原改興武衛十三幫
續改併興武衛八幫

鷹揚衛前幫

原改興武衛五幫續
改併興武衛四幫

一石城總

上元中衛上元幫

原改興武衛九幫續
改併興武衛二幫

石城衛大幫

原改江淮衛五幫續
改併江淮衛四幫

石城衛後幫

原改江淮衛六幫續
改併江淮衛四幫

江寧後衛後幫

原改興武衛十七幫
續改併興武衛九幫

江寧左衛前幫

原改江淮衛十六幫
續改併江淮衛頭幫

江寧左衛後幫

原改興武衛十一幫
續改併興武衛五幫

興武衛句容幫

改併興武
衛二幫

江淮左衛大幫

改併江淮衛頭幫

江淮左衛二幫

改併江淮衛二幫

江淮右衛大幫

原改江淮衛三幫續改併江淮衛二幫

江淮右衛小幫

原改江淮衛四幫續改併江淮衛三幫

江寧前衛大幫

原改興武衛十四幫續改併興武衛六幫

興武衛鎮江幫

改併興武衛頭幫

橫海衛前幫

原改興武衛七幫續改併興武衛五幫

橫海衛後幫

原改興武衛八幫續改併興武衛六幫

以上上元石城二總各幫於康熙十八年

改併續於二十五年改併

一上江總

建陽衛太平幫

建陽衛寧國幫

以上太平寧國二幫乾隆十五年併爲寧

太幫

安慶衛

雍正四年分爲前幫後幫乾隆十五年併爲一幫二十三年復分前後兩

幫

宣州衛

今仍舊

九江衛江西前幫

運江西糧舊款上元總現
隸江西爲九江衛前幫

九江衛江西後幫

運江西糧舊款上元總現
隸江西爲九江衛後幫

新安衛江西幫

運江西糧康熙
十四年裁撤

新安衛池州幫

今仍舊

一下江總

鎮江衛前幫

鎮江衛後幫

以上前後兩幫雍正四年分爲前幫中幫

後幫乾隆十五年中幫裁汰復歸併前幫

後幫

蘇州衛前幫

蘇州衛後幫

太倉衛前幫

太倉衛後幫

鎮海衛前幫

鎮海衛後幫

以上六幫今仍舊

鎮海衛三幫

康熙二十五年裁併
鎮海衛前後兩幫

松江所 康熙十八年歸併金山衛

金山衛 乾隆十五年裁併鎮海衛名爲鎮海衛金山衛

鷹揚衛後幫 原改興武衛六幫康熙十八年改併興武衛四幫

上元前衛後幫 原改江淮衛十一幫康熙十八年改併江淮衛七幫

一鳳陽總

鳳陽中衛前幫 原改鳳陽衛頭幫嗣改鳳陽中衛常州幫後中衛裁併鳳

陽衛續改鳳陽衛鳳中常州幫

鳳陽衛 原改鳳陽衛頭幫續改鳳陽衛常州幫

鳳陽後衛前幫 原改鳳陽中衛三幫嗣改鳳陽中衛常州幫後中衛裁併

鳳陽衛續改鳳陽

衛鳳中常州幫

懷遠等衛

原改鳳陽衛二幫續改併鳳陽衛常州幫

以上四幫先於康熙二十五年改併其鳳

陽中衛歸併鳳陽衛係乾隆十五年裁併

長淮衛

原分長淮衛前後兩幫續改併長淮衛頭幫

宿州衛

乾隆十五年裁併長淮衛續名為長淮衛宿州頭幫

武平衛

嗣改宿州衛二幫續改長淮衛宿州二幫

壽州衛江南幫

續改長淮衛四幫

以上四幫先於康熙十八年改併嗣於乾

隆十五年將宿州頭二幫改併長淮衛管轄

轄

鳳陽中衛後幫

運山東糧康熙十八年裁撤

鳳陽後衛後幫

運山東糧康熙十八年裁撤

鳳陽右衛

原改併鳳陽中衛二幫後中衛裁併鳳陽衛今名鳳陽衛鳳中二幫

鳳陽前衛

原分鳳陽前衛前後兩幫嗣改併鳳陽中衛二幫後中衛裁併鳳陽

今名鳳陽衛

鳳中二幫

洪塘所

原改鳳陽右衛二幫嗣改併鳳陽中衛三幫乾隆二十四年歸併宿州頭

揚州二

兩幫

以上鳳陽前右衛先於雍正四年改併中
衛二幫嗣乾隆十五年改爲鳳陽衛鳳中
二幫洪塘所先改併鳳陽中衛三幫乾隆
二十四年改併揚州宿州兩幫

一淮大總

淮安衛前幫改淮安衛頭幫

淮安衛後幫改淮安衛二幫

邳州衛前幫原改淮安四幫續改淮安三幫

邳州衛後幫原改淮安五幫續改淮安四幫

以上四幫先於康熙十八年改併其淮安
四五改爲三四係乾隆十二年復改

泗州衛前幫

大河衛前幫

大河衛二幫

大河衛三幫

徐州衛江北幫

泗州衛後幫

以上六幫今仍舊

徐州衛河南幫

運河南糧雍正四年分
爲河南前幫河南後幫

揚州總

揚州衛江南幫

改併揚州
衛頭幫

高郵衛

改併揚州
衛二幫

六安衛蘇州幫

原改廬州衛五幫
續改廬州衛三幫

六安衛鎮江幫

原改廬州衛六幫
續改廬州衛三幫

廬州衛前幫

改廬州
衛二幫

廬州衛後幫

改廬州
衛三幫

廬州衛本府幫

改併廬州
衛頭幫

通州所

原改揚州衛七幫八幫續改併
揚州衛四幫今歸揚州衛三幫

泰州所

原改揚州衛十幫續
改併揚州衛三幫

興化所

原改揚州衛七幫八幫續改併
揚州衛四幫今歸揚州衛三幫

鹽城所

原改揚州衛五幫續
改併揚州衛三幫

以上十一幫先於康熙十八年改併其揚

州四幫復併三幫係乾隆十五年裁併

六安衛本州幫

原改廬州衛四幫續
改併宿州衛二幫

滁州衛前幫

改併滁州
衛蘇州幫

滁州衛後幫

改併滁州
衛蘇州幫

以上三幫於康熙二十五年改併續於乾

隆十五年改併

儀徵衛

乾隆十五年改併揚州衛三
十年改名揚州衛儀徵幫

一浙江總

寧波衛前幫

寧波衛後幫

台州衛前幫

台州衛後幫

溫州衛前幫

温州衛後幫

處州衛前幫

處州衛後幫

以上八幫今仍舊

金華所

今改併
金衛所

衢州所

今改併
金衛所

以上二幫於康熙二十五年改併

一浙西總

杭州前衛前幫

杭州前衛後幫

杭州右衛前幫

杭州右衛後幫

以上四幫乾隆十六年改爲杭州衛頭二

三四幫乾隆二十五年復改爲杭嚴衛頭

二三四幫

紹興衛前幫

紹興衛後幫

湖州所

海寧所

嚴州所

乾隆二十五年改併杭嚴衛管轄

以上五幫今仍舊

海寧所

嘉興所

以上二幫於康熙二十五年改併爲嘉海

衛所幫乾隆十五年裁汰嘉興所改嘉興

衛幫

一江西總

南昌衛前幫

南昌衛後幫

袁州衛

贛州衛

吉安所

安福所

永新所

乾隆三十年
併爲永建幫

撫州所

建昌所

乾隆三十年
併爲永建幫

廣信所

鉛山所

饒州所

以上江西各幫今仍舊惟永新建昌兩幫

乾隆三十年改併永建幫

一湖廣總

武昌衛

黃州衛

襄陽衛

岳州衛

荊州左衛

蘄州衛

沔陽衛

武昌左衛

荊州右衛

荊州衛

德安所

以上武昌武昌左黃州襄陽蘄州德安六

衛所康熙十年分隸湖北分爲頭幫二幫
三幫其荊州荊州左荊州右岳州沔陽五
衛並武昌左衛內撥船四隻分隸湖南作
爲頭二兩幫雍正四年又分爲頭幫二幫
三幫乾隆二十九年將武左衛撥運湖南
三幫四船裁汰

欽定戶部漕運全書卷二十三目錄

督運職掌

押運各官

押運各官

舊制各省船糧俱係糧道押運抵通順治十六年以糧道在南董理運務不能分身抵通除山東河南路近照舊遵行其江浙各省糧道止令督押到淮盤驗後卽回本省總漕各該撫於管糧通判中每省遴委一員專司督押約束官丁嚴加防範以杜沿途侵盜攪和等弊康熙三十四年以通判官微職小不能彈壓復令各省糧道輪流押運康熙三十五年停止糧道押運仍

歸通判押運回空船亦令管押如從陸路回南
照差遣官員枉道例處分押空過淮遲悞照重
運過淮違限例議處雍正四年題准蘇松江安
二糧道每年派委一員輪流覘押過山東八閘
俟江南糧船盡數過臨回任雍正六年題准各
省監兌官俱令兼司押運雍正七年題定浙江
監兌通判令其押運外他省仍因舊制

一山東押運通判一員

一河南押運通判一員

一河南山東輪押薊糧通判一員

雍正二年添設乾隆三十

年停運薊糧其
通判毋庸派委

一江安押運通判二員

一蘇松押運通判五員

一浙江押運通判三員

一江西押運通判二員

一湖北押運通判一員

一湖南押運通判一員

一河南省舊例係糧道押運康熙三十四年題

改彰德衛輝懷慶三府通判輪流押運乾隆十七八等年奏准仍令糧道督押抵通乾隆二十九年奏改令糧道於同知通判內選派一員隨赴水次公同監兌明白該道督押幫船出境之後卽回任辦事令廳員守東俟冰泮開行管押抵通

一江安浙江二省向例每省祇派通判一員押運康熙五十一年題准江安派委二員浙江派委三員押運

一江蘇省向例祇派通判一員押運康熙五十一年題准派委五員雍正四年題請酌減二員乾隆元年因該省船多員少先後開行莫能兼顧題准添委押運官二員令其分幫管押於通省同知通判內遴選酌派一應抵通回空均令沿途稽查議敘議處悉照定例

一雍正五年欽奉

諭旨嗣後凡押運押解官員俱著該督撫出具考語送部欽此又於雍正七年戶部咨行各省凡押解等官

遵奉

諭旨俱出考語咨明戶部如有應行引

見人員吏部帶領引

見又乾隆三年奏准總押丞倅引

見後部內給與限單趕歸大幫督押到淮總漕查覈如
有違悞逾限卽行叅處

一山東省舊例係糧道押運雍正八年題准東
省開外漕船選委通判一員押運其開內船隻
仍令糧道督押乾隆二年題准東省泰安武定

曹州三府同知通判遴委管押開外先進糧船
并開內抵通回空船隻以及輪押薊糧并監兌
等事與濟南兗州東昌三府管糧通判一例辦
理

一江蘇省蘇松等五府州屬幫船乾隆元年咨
准令押運五員先於水次派押抵江於渡江後
挨順連絡幫次改派押運北上嗣因每年更換
改派丞倅不知所押何幫漫無稽察弁丁素不
謀面難悉利弊乾隆十年咨准將松常二府船

糧卽令各府監兌官押運抵通蘇太二府州船糧內長元吳江震五縣船隻亦令監兌之管糧通判管押北上其常昭崑新太鎮嘉寶等八州縣及鎮江府屬船糧將應派添設押運二員先期派委一員預赴常昭等處水次一員預赴鎮屬各縣水次查點船糧催督開行償押抵通其米色行月上船等件仍責監兌經理兌齊開行之時將各運管押幫船數目造冊送部

一江西省向例祇派通判一員押運乾隆元年

因該省船多員少先後開行莫能兼顧題准添
委押運官一員令其分幫管押於通省同知通
判內遴選酌派一應抵通回空均令沿途稽察
議敘處分悉照定例

一押運丞俸領運千總於抵通卸米之後往往
假公畱滯乾隆三年奏准糧船起米之後領運
千總督同正丁料理回空身工飯米開船有不
齊備者隨幫回明倉場查究坐糧廳監督衙門
應給糧席完呈俱限十日內給發限單星飛趕

幫南下總押丞倅引

見後部內亦與限單趕歸大幫督同前進到淮漕運總督查覈如有違悞逾限卽行叅處

一山東省東昌府上河通判向係管理運河河道工程兼管聊城等十四州縣糧務因該員事務紛繁難以兼顧乾隆六年題准將聊城等十四州縣糧務改歸東昌府清軍理事同知管理上河通判專管河工事務

一湖北省起運漕糧向係武昌漢陽黃州安陸

德安荊州六府通判監兌押運到淮於六員之中派委一員長運抵通嗣因糧數無多各府通判均有捕盜之責乾隆十二年奏准令糧道於通省同知通判內詳委三員監兌分押抵淮卽於三員中派一員管押抵通

一各省糧道例應督押重運船糧到淮如遇陞任調補不能督押者令同知代爲督押

乾隆十二年

一總押同知通判管押空船回南於到淮日呈繳倉場限單銷差以後各幫遇有事故總押承

俸免其議處

乾隆十二年

一湖南省押運通判一員每年派委長衡岳三府通判各一員齊赴岳州水次監兌各府屬運到漕糧兌竣同押三幫船隻赴淮亦於三員中派委一員管押抵通乾隆二十三年停止押淮通判卽從本省委定一員押運抵通

一湖廣江西二省向係監兌米石之同知通判令押到淮然後回省乾隆二十三年奏准每年押淮廳員不過循例一行並無可辦之事所有

監兌之同知通判停其委押到淮設過淮時驗
有米色不純查係何員監兌卽將該員題參議
處責令賠補

一各省押運廳員各計所押幫數於適中之幫
坐押催儼不時前後往來稽查約束仍令總漕
不時察看情形董率稽查如有違悞照例查參

乾隆二
十五年

一江浙二省預備各丁起撥銀兩交押運廳員
攜帶由南赴北製造烏鎗十二桿編列字號給

發押運廳員隨身防護不得任旗丁等擅行施放如有無故施放致生事端將該押運廳員嚴

加議處該旗丁等從重治罪

乾隆二十五年

一乾隆二十九年總漕奏准押運通判王國祚委押漕糧已經六次該員辦事勤敏不辭勞瘁出具考語奏明咨部帶領引

見嗣於乾隆三十五年又據總漕奏明押運同知通判等官押運三次以上並無事故奏明出具考語咨送戶部帶領引

見乾隆三十七年欽奉

諭旨應行引見之員於抵通後卽行送部以免守候欽

此

一安徽省監兌之員押運過淮乾隆三十二年
奏准照江西湖廣之例一體停止

一南漕二進幫船舊例於江安蘇松二糧道內
遞年輪委一員押至臨清然後回任乾隆三十
二年因畱糧道在省辦事委押運通判代押抵
臨並奏准如運河水足船艘可以浮送之年不

金匱要略卷之三
但道員毋庸專委卽代押之員亦可不委如果
遇運河水小淺阻處多需大員前往籌水接濟
並辦理撥船諸事漕臣臨期酌量情形於江安
蘇松二糧道內奏明派委一員前往辦理

一總運丞倅係總押漕務之員例應隨時稽查
空運千總在幫協同辦事亦應互相稽察如本
幫重運千總有虧挪官項之事漫無覺察除照
例議處外仍將虧缺銀兩著落分賠
乾隆三十六年
一糧船兌齊開行各該糧道務須照例親身督

押到淮不得以辦理地方差務轉委丞倅如值
督餞之期果有經辦要件當難分身督押者必
須先行具詳督撫漕臣覈實方許委員代押乾隆
三十
七年

一各省糧道例祇押運到淮其江安蘇松二道
輪押二進幫船亦祇押至臨清乾隆三十九年
因水勢較小派委糧道分起管押直抵通州奏
奉

諭旨凡遇水小之年卽援此爲例欽此

錢二
卷二十三
一押運廳員有督押弁丁催償重運回空之責

該督撫不得又委別項差務

乾隆三十九年

一各省同知通判督運漕米沿途有催償稽查之責向俱帶印起程署事之員由藩司領木戳以代印信乾隆四十四年江西巡撫奏准丞倅雖係閑曹而鹽捕水利各有專司其分防地方之缺更有應管民事并遇有委審委勘及循例出結事件若非鈐用部頒印信不足以昭信守應專頒督運官印信封貯藩庫臨時領用有漕

省分畫一辦理

一各省重運漕船向係本省糧道押抵臨清江
西省新任糧道尙未到任護糧道事南昌府知
府黃良棟督押幫船抵淮正值新任糧道舒希
忠由淮赴任卽令新任糧道償押各幫抵臨該
護道仍同本任卽在淮交印任事

乾隆四
十八年

一各省糧船重運北上向派押運丞倅乾隆四
十八年奏准令本省糧道督押本省幫船送至
臨清除江南省仍照例於江安蘇松二糧道內

每年輪派一員督押抵臨外其浙江湖廣江西等省每年令各糧道一體督押過淮直抵臨清始行回任併出具船米無虧切結送部其自臨清抵通州概令山東糧道往來稽查催饋俟漕督總押尾幫抵臨清後再行回任續據江西巡撫郝碩以江西省相距臨清路途較遠該省糧道總理漕務紛繁若令每年督押直抵臨清於九月間始能回任一切新漕事務難以兼顧准其照舊令糧道督押抵淮盤驗後卽回任辦理

事務至有漕較遠之湖南湖北二省一體遵照辦理

一蘇松押運廳員酌派定委員接署之後應將關防移交署事之員一面赴司請領督運關防凡有監兌任內一切應辦事件及全單等項概

用督運關防

乾隆五十年

一各省重運糧船例應糧道押抵臨清嗣因江廣二省糧道押送抵臨後再行回任勢難兼顧新漕准其另委同知一員代押抵臨今查江廣

幫船抵淮後有總漕親押抵通照察易周奏准

將代糧道押運之同知停其派委

乾隆五十二年

一乾隆五十三年因江西押運同知衛謀通判

周載蘭於漕船回空後始行送部引

見該員等不及押送回空奉

上諭嗣後凡有押運官員應送部引見者倉場侍郎等

務於該員兌運事竣卽行給咨送部引見毋得延緩

欽此

一江西撫奏准新任糧道鄭交泰於漕船開行

後到江已令趕赴前途督催卽在途中接印任
事今該道續奉

上諭調補浙江糧道未便另派他員前往接署仍令該

道督押江西漕船抵臨跟幫北上後再赴浙江

糧道新任

乾隆五十四年

一各省起運船糧欽奉

諭旨令各該省糧道管押抵通所有河南省船糧題准

照山東之例再添總運廳官一員使沿途查察

重運回空以重漕務

乾隆五十四年

一浙江糧道鹿荃陞任兩淮鹽運使所遺押運事宜照例派委嚴州府知府景祿趕幫接押其糧道印務另委杭州府知府明保暫署以便鹿荃交代速赴新任

乾隆五十四年

一江蘇省蘇州太倉二屬總運分縣押幫本有舊制因查對縣幫遠近再加酌量分派奏准蘇州太倉總運廳員二員一管長洲元和吳縣常熟昭文吳江震澤等七縣糧船一管太倉鎮洋嘉定寶山崑山新陽等六州縣糧船其水次至

通壩一切兌運各事宜責令一手經理如有米色不純及沿途盜賣攙和等弊惟該押運之員

是問

乾隆五十八年

一押運廳弁於本幫船糧兌開後務須親身在

幫督押毋得擅自離幫藉稱辦公致干叅處

乾隆

五十九年

一山東省起運船糧全漕年分例應糧道親身

押運抵通乾隆六十年因該省漕糧恭奉

恩旨輸免祇有起運帶徵買補漕糧并密雲兵米共船

一百九十四隻除外河出運船一百三十六隻
已委總運廳員押運外僅止閘內出運船五十
八隻爲數較少咨准令總運廳員一併兼押抵
通交卸

一東豫二省漕糧欽奉

恩旨輪免或截留賑濟祇有起運麥石并密雲等處兵
米不及全漕十分之二不須糧道親身管押准
令專委丞倅一員代押抵通以資彈壓
嘉慶元
年及三
年

一蘇屬崑山新陽二縣本係劃歸太倉廳員監
兌押運因太屬並無起運之船將該二縣船糧
另委常州府督糧通判監兌押運至全單印信
蓋用在先免其更換

嘉慶二年

一湖北省起運嘉慶三年分漕糧例應本管糧
道押運因該道在鄖西一帶防堵賊匪未便遽
易生手派委代辦糧道武昌府知府代爲押運

嘉慶

四年

一臨清河南前幫嘉慶四年到通麥石該幫廳

弁沿途並不小心防範督令旗丁不時勤加掀
晾以致間有潮潤所有押運廳弁均照例議處
至豫省起運糧內有白麥一項尤關緊要嗣後
無論糧數多寡均責令該糧道押運以昭慎重
一常白幫漕船並不及早渡江又未跟接行走
實屬有違例限所有押運通判照例降一級調
用銷去加級抵銷免其降調

嘉慶四年

一江安糧道魏成憲丁憂所有督押回空二進
幫船事務亦關緊要委蘇州府押運通判代辦

嘉慶
五年

一護江西糧道椿齡係送部引

見之員於督押幫船輓出臨清開河時例應先行赴京

因本年臨清以北運河開口船行艱難必得大

員督催方免遲悞奏准卽令該護道尾押幫船

抵津後再行赴部

嘉慶六年

一江西饒州府同知達本押運抵通完竣籤升

直隸順德府知府據該員呈明交糧完竣竝經

倉場咨報所押船糧業經卸竣無虧准其就近

引

見嘉慶七年

一東豫二省到通漕米麥豆總運通判竝未將
總批赴部呈驗續據咨送到部由部查驗封交
總漕備案竝令嗣後押運廳員於交糧完竣之
日照例投驗總批竝領回空總單如總運承倅
遇有事故未及將總批送驗者亦令咨送戶部
補驗封交總漕備案

嘉慶七
八年

一嘉慶十年奉

上諭吏部奏浙江糧道穆克登布押運抵通可否准其
引見一摺向來各省丞倅等官如押運漕糧銅斤等
項抵通有送部引見之例至道員職分較大如果督
催僨運經理妥協豈有轉不令其引見之理但官員
引見總須該省督撫出具考語咨部辦理今浙江糧
道穆克登布未經該撫出具考語著毋庸帶領引見
嗣後各省押運道員均著該督撫照丞倅押運糧船
咨部引見之例出具考語給咨送部如果沿途催僨
認真並無過失到通交糧完竣後准其由倉場侍郎

查明送部引見等因欽此

一湖南永州府通判梁銀押運嘉慶十年分漕糧至次年新漕兌竣出境尙未到岳其在何處逗畱並無稟報押運關防亦未呈繳以致新運廳員辦理文案冊結無憑印用經湖南巡撫以玩誤漕務參奏革職旋准吏部咨該通判因差到京患病准其告病尙非無故逗畱奏准免其革職但該員於抵通交納漕糧閱數月之久未經稟報該撫殊屬玩忽仍交部議處

一湖南省委員專運之採買米船分爲三起除頭起二起俱有失風等事外其三起米船係長沙府同知李采督同協運之益陽縣縣丞李世經黃溪司巡檢張岳等各員押運抵通驗明米色一律乾潔照數交卸全完毫無短少給予議

敘

嘉慶十一年

一嘉慶十一年奉

上諭各省押運道員前經降旨令該督撫出具考語給咨送部俟抵通交糧完竣卽由倉場侍郎查明移咨

吏部帶領引見茲據瑚圖禮奏湖北省道員押運向
祇僱抵臨清閘口卽移交東省接催前進例不抵通
可否請將該省道員俟押運三次後准其出考給咨
送部引見等語湖北等省距通州較遠卽令中途交
替其所歷程站比之豫東江浙等省勞逸維均自應
一體示以獎勵嗣後湖北省及湖南江西兩省糧道
押運已屆三次如果催僱認真竝無過失卽著該督
撫出具考語給咨由倉場侍郎查明送部引見此外
豫東江浙等省糧道直押抵通者亦著俟押運三次

後送部引見以歸畫一該部知道欽此旋據漕運總督咨湖南糧道押運已屆四次是否將前押次數接算吏部議以未經奉

旨以前押過次數槩不准接算

一江安蘇松二糧道共管六十一幫每年僅委糧道一員輪押抵通於體制未協嘉慶十四年奏准每年首進幫船過淮卽委江安糧道專押抵通二進幫船過淮卽委蘇松糧道專押抵通又江安糧道所屬之安慶等六幫由大江行走

宿州等二幫由洪澤湖行走江湖風信靡常不能如期出境往往插入二進及三進浙江幫船內北上應嚴催趕緊兌開能列入首進或二進幫內行走仍歸江安蘇松二道督押抵通倘因江湖風信靡常不能趕入二進仍插入三進幫內責成浙江糧道就近督察如有脫空阻滯及舞弊情事准其一體催辦查叅

一長淮三幫輪兌徐屬漕糧被災蠲緩起運船數無多未便專委幫弁咨准歸併徐州江北幫

代押 嘉慶十年

一廬州府屬同知薛玉堂押運漕糧米批未據

報驗輒行回任照例罰俸一年 嘉慶十年

一浙江糧道慕鏊丁憂經漕督奏委紹興府同

知趙式訓押運赴通 嘉慶十年

一長淮衛宿州頭幫並帶管鳳中三幫洪塘所

額船應兌漕糧被災蠲緩起運船數無幾未便

專委幫弁咨往歸併宿州二幫代押 嘉慶十年

一山東省東昌濮州二幫應兌漕糧緩徵截留

餘剩無多咨准歸 聞內東平幫減船裝運外
河東昌濮州二幫餘積糧石因外河東平幫竝
無減船仍令各本幫丁船兌運撥歸東平幫干

總兼押 嘉慶十
九年

一新安衛池州幫兌運各屬漕糧因災緩徵實
運船數無幾咨准歸併建陽衛寧太幫代押
嘉慶二十
年

一湖北武昌衛每年輪派十船撥入三幫行走
遇有提溜打聞以及風火等事隔伍軍丁不能

協力相助題准將武昌衛船隻統歸頭幫管押

以便約束照料

嘉慶二十一年

一山東省各幫如遇災緩減歇其歷年船少歸併代押裝運之案有因減歇贍船數隻歸併者有贍船十餘隻歸併者向無限制道光七年漕督咨准嗣後災緩各幫開內外河出運船數如在十五隻以上卽令本幫丁船運官出運不准歸併如不及十五船之數仍令各本幫丁船兌運歸併別幫運弁兼押儘遇各幫出運船隻不

敷裝運准其用別幫減船抵裝其或緩廢漕糧
僅止數百石卽令別幫加裝帶運毋庸專船裝
運以節糜費

一道光八年江西撫州幫重運千總楊謂柱於
幫船渡淮及上閘渡黃之時並未在幫押運空
運千總劉榮昌亦未隨幫照料經漕督奏參奉
旨楊謂柱著革職劉榮昌著交部議處等因欽此
一咸豐二年欽奉

上諭黃宗漢奏參貽誤漕運之前任糧道一摺前任浙

江糧道胡元博於回空糧船迎提已遲迨新漕監兌
之後並不迅速催價復屢次回省節節耽延以致在
後各幫至霜降後尙未具報開行並訪聞未開各幫
尙有銀米短絀情事實屬玩誤胡元博著卽革職由
漕運總督委員押令回浙將未報開行之在後四幫
銀米勒限清釐儻查有別項情弊著卽嚴叅餘著照
所擬辦理該部知道欽此

欽定戶部漕運全書卷二十四目錄

選補官丁

衛幫額員

遴委運弁